

201

周易圖書質疑



總校官降調編修_臣 倉聖脉

校對官中書_臣 宋枋遠

謄錄監生_臣 劉維翰

欽定四庫全書

周易圖書質疑卷二

休寧趙繼序撰

下經

咸卦

艮重兌
恒

中備巽乾

損



咸
亨利貞取女吉

初六
咸其拇

六二
咸其腓凶居吉

九三
咸其股執其隨往吝

九四 貞吉悔亡憧憧往來朋從爾思

九五 咸其脢无悔

上六 咸其輔頰舌

象下傳

咸感也柔上而剛下二氣感應以相與止而說男下女是以亨利貞取女吉也天地感而萬物化生聖人感人心而天下和平觀其所感而天地萬物之情可見矣

象下傳

艮下
兌上

山上有澤咸君子以虛受人

咸初六咸其拇志在外也

六二雖凶居吉順不害也

九三咸其股亦不處也志在隨人所執下也

九四貞吉悔亡未感害也憧憧往來未光大也

九五咸其脢志末也

上六咸其輔頰舌滕口說也

恒卦

巽重震

中備乾兌

益



恒 亨无咎利貞利有攸往

初六 浚恒貞凶无攸利

九二 悔亡

九三 不恒其德或承之羞貞吝

九四 田无禽

六五 恒其德貞婦人吉夫子凶

上六 振恒凶

恒久也剛上而柔下雷風相與巽而動剛柔皆應恒恒

亨无咎利貞久于其道也天地之道恒久而不已也利
有攸往終則有始也日月得天而能久照四時變化而
能久成聖人久于其道而天下化成觀其所恒而天地
萬物之情可見矣

巽下
震上雷風恒君子以立不易方

恒初六浚恒之凶始求深也

九二九二悔亡能久中也

九三不恒其德无所容也

九四久非其位安得禽也

六五婦人貞吉從一而終也夫子制義從婦凶也

上六振恒在上大无功也

遯卦

艮重乾
大壯

中備巽乾

臨



遯 亨 小利 貞

一 初六

遯尾厲勿用有攸往

一 六二

執之用黄牛之革莫之勝說

一 九三

係遯有疾厲畜臣妾吉

一九四 好遯君子吉小人否

一九五 嘉遯貞吉

一上九 肥遯无不利

遯亨遯而亨也剛當位而應與時行也小利貞浸而長也遯之時義大矣哉

艮下天下有山遯君子以遠小人惡而嚴

乾上遯初六遯尾之厲不往何災也

六二執用黄牛固志也

九三係遯之厲有疾憊也畜臣妾吉不可大事也

九四君子好遯小人否也

九五嘉遯貞吉以正志也

上九肥遯无不利无所疑也

大壯卦

乾重震

中備乾兌

觀



大壯 利貞

— 初九 壯于趾征凶有孚

— 九二 貞吉

九三 小人用壯君子用罔貞厲羝羊觸藩羸其角

九四 貞吉悔亡藩决不羸壯于大輿之輹

六五 喪羊于易无悔

上六 羝羊觸藩不能退不能遂无攸利艱則吉

大壯大者壯也剛以動故壯大壯利貞大者正也正大而天地之情可見矣

乾下 震上 雷在天上大壯君子以非禮弗履

大壯初九壯于趾其孚窮也

九二九二貞吉以中也

九三小人用壯君子罔也

九四藩决不羸尚往也

六五喪羊于易位不當也

上六不能退不能遂不詳也艱則吉咎不長也

晉卦

坤重離
明夷

中備艮坎

需



晉

康侯用錫馬蕃庶晝日三接

一初六

晉如摧如貞吉罔孚裕无咎

三六二 晉如愁如貞吉受茲介福于其王母

六三 衆允悔亡

九四 晉如鼫鼠貞厲

六五 悔亡失得勿恤往吉无不利

上九 晉其角維用伐邑厲吉无咎貞吝

晉進也明出地上順而麗乎大明柔進而上行是以康

侯用錫馬蕃庶晝日三接也

坤下 離上 明出地上晉君子以自昭明德

晉初六晉如摧如獨行正也裕无咎未受命也

六二受茲介福以中正也

六三衆允之志上行也

九四龜鼠貞厲位不當也

六五失得勿恤往有慶也

上九維用伐邑道未光也

明夷卦

離重坤

中備坎震

訟



明夷

利艱貞

一初九 明夷于飛垂其翼君子于行三日不食有攸往

主人有言不可息也

一六二 明夷夷于左股用拯馬壯吉

一六三 明夷于南狩得其大首不可疾貞

一六四 入于左腹獲明夷之心于出門庭

一六五 箕子之明夷利貞

一一上六 不明晦初登于天後入于地

明入地中明夷內文明而外柔順以蒙大難文王以之

利艱貞晦其明也內難而能正其志箕子以之

離下坤上明入地中明夷君子以涖衆用晦而明

明夷初九君子于行義不食也

六二六二之吉順以則也

九三南狩之志乃大得也

六四入于左腹獲心意也

六五箕子之貞明不可息也

上六初登于天照四國也後入于地失則也

家人卦

睽 離重巽

中備坎離

解



家人

利女貞

初九

閑有家悔亡

六二

无攸遂在中饋貞吉

九三

家人嗃嗃悔厲吉婦子嘻嘻終吝

六四

富家大吉

九五

王假有家勿恤吉

上九

有孚威如終吉

家人女正位乎內男正位乎外男女正天地之大義也
家人有嚴君焉父母之謂也父父子子兄兄弟弟夫夫
婦婦而家道正正家而天下定矣

離下風自火出家人君子以言有物而行有恒

巽上家人初九閑有家志未變也

六二六二之吉順以巽也

九三家人嗃嗃未失也婦子嘻嘻失家節也

六四富家大吉順在位也

九五王假有家交相愛也

上九威如之吉反身之謂也

睽卦

兌重離
家人

中備離坎

蹇

䷥

睽

小事吉

初九

悔亡喪馬勿逐自復見惡人无咎

九二

遇主于巷无咎

六三

見輿曳其牛掣其人天且劓无初有終

九四

睽孤遇元夫交孚厲无咎

一六五 悔亡厥宗噬膚往何咎

一上九 睽孤見豕負塗載鬼一車先張之弧後說之弧

匪寇婚媾往遇雨則吉

睽火動而上澤動而下二女同居其志不同行說而麗乎明柔進而上行得中而應乎剛是以小事吉天地睽而其事同也男女睽而其事類也睽之時用大矣哉

兌下離上上火下澤睽君子以同而異

睽初九見惡人以辟咎也

九二遇主于巷未失道也

六三見輿曳位不當也无初有終遇剛也

九四交孚无咎志行也

六五厥宗噬膚往有慶也

上九遇雨之吉羣疑亡也

蹇卦

艮重坎

中備坎離

屯



蹇利西南不利東北利見大人貞吉

初六

往蹇來譽

六二 王臣蹇蹇匪躬之故

九三 往蹇來反

六四 往蹇來連

九五 大蹇朋來

上六 往蹇來碩吉利見大人

蹇難也險在前也見險而能止知矣哉蹇利西南往得中也不利東北其道窮也利見大人往有功也當位貞吉以正邦也蹇之時用大矣哉

艮下
坎上
山上有水蹇君子以反身修德

蹇初六往蹇來譽宜待也

六二王臣蹇蹇終无尤也

九三往蹇來反内喜之也

六四往蹇來連當位實也

九五大蹇朋來以中節也

上六往蹇來碩志在内也利見大人以從貴也

解卦

坎重震

中備離坎

家人



解 利西南无所往其來復吉有攸往夙吉

初六 无咎

九二 田獲三狐得黃矢貞吉

六三 負且乘致寇至貞吝

九四 解而拇朋至斯孚

六五 君子維有解吉有孚于小人

上六 公用射隼于高墉之上獲之无不利

解險以動動而免于險解解利西南往得衆也其來復

吉乃得中也。有攸往夙吉，往有功也。天地解而雷雨作，雷雨作而百果草木皆甲坼，解之時大矣哉。

坎下
震上

雷雨作，解。君子以赦過宥罪。

解初六剛柔之際，義无咎也。

九二九二貞吉，得中道也。

六三負且乘，亦可醜也。自我致戎，又誰咎也。

九四解而拇，未當位也。

六五君子有解，小人退也。

上六公用射隼以解悖也

損卦

兌重艮

中備震坤

咸



損

有孚元吉无咎可貞利有攸往冒之用二簋可

用享

初九 已事遄往无咎酌損之

九二 利貞征凶弗損益之

六三 三人行則損一人一人行則得其友

六四 損其疾使遄有喜无咎

一六五 或益之十朋之龜弗克違元吉

一上九 弗損益之元咎貞吉利有攸往得臣无家

損損下益上其道上行損而有孚元吉无咎可貞利有

攸往冒之用二簋可用享二簋應有時損剛益柔有時

損益盈虛與時偕行

兌下 艮上 山下有澤損君子以懲忿窒欲

損初九已事遄往尚合志也

九二九二利貞中以為志也

六三一人行三則疑也

六四損其疾亦可喜也

六五六五元吉自上祐也

上九弗損益之大得志也

益卦

震重巽

中備坤艮

恒



益

利有攸往利涉大川

一初九

利用為大作元吉无咎

一一六二

或益之十朋之龜弗克違永貞吉王用享于帝

吉

六三 益之用凶事无咎有孚中行告公用圭

六四 中行告公從利用為依遷國

九五 有孚惠心勿問元吉有孚惠我德

上九 莫益之或擊之立心勿恒凶

益損上益下民說无疆自上下下其道大光利有攸往
中正有慶利涉大川木道乃行益動而巽日進无疆天
施地生其益无方凡益之道與時偕行

震下巽上 風雷益君子以見善則遷有過則改

益初九元吉无咎下不厚事也

六二或益之自外來也

六三益用凶事固有之也

六四告公從以益志也

九五有孚惠心勿問之矣惠我德大得志也

上九莫益之偏辭也或擊之自外來也

夬卦

乾重兌 姤

中備皆乾

剝



夫 揚于王庭孚號有厲告自邑不利即戎利有攸

往

初九

壯于前趾往不勝為咎

九二

惕號莫夜有戎勿恤

九三

壯于頄有凶君子夫夫獨行遇雨若濡有愠无

咎

九四

臀无膚其行次且牽羊悔亡聞言不信

九五

苒陸夬夬中行无咎

一上六 无號終有凶

夬決也剛決柔也健而說決而和揚于王庭柔乘五剛也孚號有厲其危乃光也告自邑不利即戎所尚乃窮也利有攸往剛長乃終也

乾下兌上澤上于天夬君子以施祿及下居德則忌

夬初九不勝而往咎也

九二有戎勿恤得中道也

九三君子夬夬終无咎也

九四其行次且位不當也聞言不信聰不明也

九五中行无咎中未光也

上六无號之凶終不可長也

姤卦

巽重乾

中備皆乾

復



姤

女壯勿用取女

初六 繫于金柅貞吉有攸往見凶羸豕孚蹢躅

九二 包有魚无咎不利賓

九三 臀无膚其行次且厲无大咎

一九四 包无魚起凶

一九五 以杞包瓜含章有隕自天

上九 姤其角吝无咎

姤遇也柔遇剛也勿用取女不可與長也天地相遇品物咸章也剛遇中正天下大行也姤之時義大矣哉

巽下乾上 天下有風姤后以施命誥四方

姤初六繫于金柅柔道牽也

九二包有魚義不及賔也

九三其行次且行未牽也

九四无魚之凶遠民也

九五九五含章中正也有隕自天志不舍命也

上九姤其角上窮吝也

萃卦

坤重兌

中備艮巽

大畜

䷬

萃

亨王假有廟利見大人亨利貞用大牲吉利有

攸往

一初六

有孚不終乃亂乃萃若號一握為笑勿恤往无

咎

一六二 引吉无咎孚乃利用禴

一六三 萃如嗟如无攸利往无咎小吝

一六四 大吉无咎

一六五 萃有位无咎匪孚元永貞悔亡

一上六 齋咨涕洟无咎

萃聚也順以說剛中而應故聚也王假有廟致孝享也利見大人亨聚以正也用大牲吉利有攸往順天命也

觀其所聚而天地萬物之情可見矣

坤下兌上澤上于地萃君子以除戎器戒不虞

萃初六乃亂乃萃其志亂也

六二引吉无咎中未變也

六三往无咎上巽也

九四大吉无咎位不當也

九五萃有位志未光也

上六齋咨涕洟未安上也

升卦

巽重坤
萃

中備兌震

无妄



升

元亨用見大人勿恤南征吉

初六

允升大吉

九二

孚乃利用禴无咎

九三

升虛邑

六四

王用亨于岐山吉无咎

六五

貞吉升階

上六

冥升利于不息之貞

柔以時升巽而順剛中而應是以大亨用見大人勿恤
有慶也南征吉志行也

巽下坤上地中生木升君子以順德積小以高大

升初六允升大吉上合志也

九二九二之孚有喜也

九三升虛邑无所疑也

六四王用亨于岐山順事也

六五貞吉升階大得志也

上六冥升在上消不富也

困卦

坎重兌

中備離巽

賁



困 亨貞大人吉无咎有言不信

初六 臀困于株木入于幽谷三歲不覿

九二 困于酒食朱紱方來利用亨祀征凶无咎

六三 困于石據于蒺藜入于其宮不見其妻凶

九四 來徐徐困于金車吝有終

九五 劓刖困于赤紱乃徐有說利用祭祀

大人吉

一一上六 困于葛藟于臲卼曰動悔有悔征吉

困剛揜也險以說困而不失其所亨其惟君子乎貞大人吉以剛中也 有言不信尚口乃窮也

坎下兌上 澤无水困君子以致命遂志

困初六入于幽谷幽不明也

九二困于酒食中有慶也

六三據于蒺藜乘剛也入于其宮不見其妻不祥也

九四來徐徐志在下也雖不當位有與也

九五剽剛志未得也乃徐有說以中直也利用祭祀受福也

上六困于葛藟未當也動悔有悔吉行也

井卦

巽重坎

中備兌離

噬嗑



井

改邑不改井无喪无得往來井井汔至亦未繙

井羸其瓶凶

初六 井泥不食舊井无禽

九二 井谷射鮒甕敝漏

九三 井渫不食為我心恻可用汲王明並受其福

六四 井甃无咎

九五 井冽寒泉食

上六 井收勿幕有孚元吉

巽乎水而上水井井養而不窮也改邑不改井乃以剛中也汔至亦未繙井未有功也羸其瓶是以凶也

巽下坎上 木上有水井君子以勞民勸相

井初六井泥不食下也舊井无禽時舍也

九二井谷射鮒无與也

九三井渫不食行惻也求王明受福也

六四井甃无咎脩井也

九五寒泉之食中正也

上六元吉在上大成也

革卦

離重兌

中備巽乾

蒙

䷰

革

己日乃孚元亨利貞悔亡

一

初九

鞶用黄牛之革

一一

六二

已日乃革之征吉无咎

— 九三 征凶貞厲革言三就有孚

— 九四 悔亡有孚改命吉

— 九五 大人虎變未占有孚

— 上六 君子豹變小人革面征凶居貞吉

革水火相息二女同居其志不相得曰革已日乃孚革而信之文明以說大亨以正革而當其悔乃亡天地革而四時成湯武革命順乎天而應乎人革之時大矣哉

離下 兌上 澤中有火革君子以治歷明時

革初九鞏用黄牛不可以有為也

六二已日革之行有嘉也

九三革言三就又何之矣

九四改命之吉信志也

九五大人虎變其文炳也

上六君子豹變其文蔚也小人革面順以從君也

鼎卦

巽重離

中備乾兌

屯



鼎

元吉亨

初六 鼎顛趾利出否得妾以其子无咎

九二 鼎有實我仇有疾不我能即吉

九三 鼎耳革其行寒雉膏不食方雨虧悔終吉

九四 鼎折足覆公餗其形渥凶

六五 鼎黃耳金鉉利貞

上九 鼎玉鉉大吉无不利

鼎象也以木巽火亨飪也聖人亨以享上帝而大亨以養聖賢巽而耳目聰明柔進而上行得中而應乎剛是以元亨

巽下
離上
木上有火鼎君子以正位凝命

鼎初六鼎顛趾未悖也利出否以從貴也

九二鼎有實慎所之也我仇有疾終无尤也

九三鼎耳革失其義也

九四覆公餗信如何也

六五鼎黃耳中以為實也

上九玉鉉在上剛柔節也

震卦

重震
中備艮坎

巽
艮



震

亨震來虩虩笑言啞啞震驚百里不喪匕鬯

初九

震來虩虩後笑言啞啞吉

六二

震來厲億喪貝躋于九陵勿逐七日得

六三

震蘇蘇震行无眚

九四

震遂泥

六五

震往來厲億无喪有事

上六

震索索視矍矍征凶震不于其躬于其鄰无咎

婚媾有言

震亨震來虩虩恐致福也笑言啞啞後有則也震驚百里驚遠而懼邇也出可以守宗廟社稷以為祭主也

震下 游雷震君子以恐懼脩省

震初九震來虩虩恐致福也笑言啞啞後有則也

六二震來厲乘剛也

六三震蘇蘇位不當也

九四震遂泥未光也

六五震往來厲危行也其事在中大无喪也

上六震索索中未得也雖凶无咎畏鄰戒也

艮卦

重艮

中備坎震

兌

震



艮 其背不獲其身行其庭不見其人无咎

--初六 艮其趾无咎利永貞

--六二 艮其腓不拯其隨其心不快

--九三 艮其限列其夤厲薰心

--六四 艮其身无咎

--六五 艮其輔言有序悔亡

一上九 敦艮吉

艮止也時止則止時行則行動靜不失其時其道光明
艮其止止其所也上下敵應不相與也是以不獲其身
行其庭不見其人无咎也

艮下
艮上兼山艮君子以思不出其位

艮初六艮其趾未失正也

六二不拯其隨未退聽也

九三艮其限危薰心也

六四艮其身止諸躬也

六五艮其輔以中正也

上九敦艮之吉以厚終也

漸卦

艮重巽

中備坎離

歸妹



漸

女歸吉利貞

— 初六

鴻漸于干小子厲有言无咎

— 初二

鴻漸于磐飲食衎衎吉

— 九三

鴻漸于陸夫征不復婦孕不育凶利禦寇

金定四庫全書
卷二
一六四 鴻漸于木或得其桷无咎

一九五 鴻漸于陵婦三歲不孕終莫之勝吉

一上九 鴻漸于陸其羽可用為儀吉

漸之進也女歸吉也進得位往有功也進以正可以正

邦也其位剛得中也止而巽動不窮也

艮下巽上 山上有木漸君子以居賢德善俗

漸初六小子之厲義无咎也

六二飲食衎衎不素飽也

九三夫征不復離羣醜也婦孕不育失其道也利用禦寇順相保也

六四或得其桷順以巽也

九五終莫之勝吉得所願也

上九其羽可用為儀吉不可亂也

歸妹卦

兌重震

中備離坎

漸



歸妹
征凶无攸利

初九
歸妹以娣跛能履征吉

—九二 眇能視利幽人之貞

—六三 歸妹以須反歸以娣

—九四 歸妹愆期遲歸有時

—六五 帝乙歸妹其君之袂不如其娣之袂良月幾望

吉

—上六 女承筐无實士刲羊无血无攸利

歸妹天地之大義也天地不交而萬物不興歸妹人之終始也說以動所歸妹也征凶位不當也无攸利柔乘

剛也

兌下
震上

澤上有雷歸妹君子以永終知敝

歸妹初九歸妹以娣以恒也跛能履吉相承也

九二利幽人之貞未變常也

六三歸妹以須未當也

九四愆期之志有待而行也

六五帝乙歸妹不如其娣之袂良也其位在中以貴行

也

上六上六无實承虛筐也

豐卦

離重震

中備巽兌

渙



豐

亨王假之勿憂宜日中

一初九

遇其配主雖旬无咎往有尚

一六二

豐其蔀日中見斗往得疑疾有孚發若吉

一九三

豐其沛日中見沫折其右肱无咎

一九四

豐其蔀日中見斗遇其夷主吉

一六五

來章有慶譽吉

一上六 豐其屋蔀其家闕其戶闐其無人三歲不覲凶
豐大也明以動故豐王假之尚大也勿憂宜日中宜照
天下也日中則昃月盈則食天地盈虛與時消息而况
于人乎况于鬼神乎

離下
震上

雷電皆至豐君子以折獄致刑

豐初九雖旬无咎過旬災也

六二有孚發若信以發志也

九三豐其沛不可大事也折其右肱終不可用也

九四豐其蔀位不當也日中見斗幽不明也遇其夷主

吉行也

六五六五之吉有慶也

上六豐其屋天際翔也闚其戶闐其无人自藏也

旅卦

艮重離

中備巽兌

節



旅

小亨旅貞吉



初六

旅瑣瑣斯其所取災



六二

旅即次懷其資得童僕貞

— 九三 旅焚其次喪其童僕貞厲

— 九四 旅于處得其資斧我心不快

— 六五 射雉一矢亡終以譽命

— 上九 鳥焚其巢旅人先笑後號咷喪牛于易凶

旅小亨柔得中乎外而順乎剛止而麗乎明是以小亨
旅貞吉也旅之時義大矣哉

艮下 離上 山上有火旅君子以明慎用刑而不留獄

旅初六旅瑣瑣志窮災也

六二得童僕貞終无尤也

九三旅焚其次亦以傷矣以旅與下其義喪也

九四旅于處未得位也得其資斧心未快也

六五終以譽命上逮也

上九以旅在上其義焚也喪牛于易終莫之聞也

巽卦

重巽

中備兌離

震

兌



巽

小亨利有攸往利見大人

一一 初六

進退利武人之貞

九二 巽在牀下用史巫紛若吉无咎

九三 頻巽吝

六四 悔亡田獲三品

九五 貞吉悔亡无不利无初有終先庚三日後庚三

日吉

上九 巽在牀下喪其資斧貞凶

重巽以申命剛巽乎中正而志行柔皆順乎剛是以小
亨利有攸往利見大人

巽下 隨風巽君子以申命行事

巽初六進退志疑也利武人之貞志治也

九二紛若之吉得中也

九三頻巽之吝志窮也

六四田獲三品有功也

九五九五之吉位正中也

上九巽在牀下上窮也喪其資斧正乎凶也

兌卦

重兌

中備離巽

艮

巽



兌
亨利貞

初九
和兌吉

九二
孚兌吉悔亡

六三
來兌凶

九四
商兌未寧介疾有喜

九五
孚于剝有厲

上六
引兌

兌說也剛中而柔外說以利貞是以順乎天而應乎人

說以先民民忘其勞說以犯難民忘其死說之大民勸
矣哉

兌下
兌上

麗澤兌君子以朋友講習

兌初九和兌之吉行未疑也

九二孚兌之吉信志也

六三來兌之凶位不當也

九四九四之喜有慶也

九五孚于剝位正當也

上六上六引兌未光也

渙卦

坎重巽 中備震艮

豐



渙 亨王假有廟利涉大川利貞

初六

用拯馬壯吉

九二

渙奔其机悔亡

六三

渙其躬无悔

六四

渙其羣元吉渙有丘匪夷所思

六五

渙汗其大號渙王居无咎

一上九渙其血去逖出无咎

渙亨剛來而不窮柔得位乎外而上同王假有廟王乃在中也利涉大川乘木有功也

坎下巽上風行水上渙先王以亨于帝立廟

渙初六初六之吉順也

九二渙奔其机得願也

六三渙其躬志在外也

六四渙其羣元吉光大也

九五王居无咎正位也

上九渙其血遠害也

節卦

兌重坎

中備震艮

旅



節 亨苦節不可貞

— 初九 不出戶庭无咎

— 九二 不出門庭凶

— 六三 不節若則嗟若无咎

— 六四 安節亨

九五 甘節吉往有尚

上六 苦節貞凶悔亡

節亨剛柔分而剛得中苦節不可貞其道窮也說以行險當位以節中正以通天地節而四時成節以制度不傷財不害民

兌下坎上澤上有水節君子以制數度議德行

節初九不出戶庭知通塞也

九二不出門庭凶失時極也

六三不節之嗟又誰咎也

六四安節之亨承上道也

九五甘節之吉居位中也

上六苦節貞凶其道窮也

中孚卦

兌重巽

中備震艮

小過



中孚

豚魚吉利涉大川利貞

一 初九

虞吉有他不燕

一 九二

鳴鶴在陰其子和之我有好爵吾與爾靡之

六三 得敵或鼓或罷或泣或歌

六四 月幾望馬匹亡无咎

九五 有孚攣如无咎

上九 翰音登于天貞凶

中孚柔在內而剛得中說而巽孚乃化邦也豚魚吉信及豚魚也利涉大川乘木舟虛也中孚以利貞乃應乎天也

兌下 巽上 澤上有風中孚君子以議獄緩死

中孚初九初九虞吉吉未變也

九二其子和之中心願也

六三或鼓或罷位不當也

六四馬匹亡絕類上也

九五有孚攣如位正當也

上九翰音登于天何可長也

小過卦

艮重震

中備巽兌

中孚



小過

亨利貞可小事不可大事飛鳥遺之音不宜

上宜下大吉

初六 飛鳥以凶

六二 過其祖遇其妣不及其君遇其臣无咎

九三 弗過防之從或戕之凶

九四 无咎弗過遇之往厲必戒勿用永貞

六五 密雲不雨自我西郊公弋取彼在穴

上六 弗遇過之飛鳥離之凶是謂災眚

小過小者過而亨也過以利貞與時行也柔得中是以

小事吉也剛失位而不中是以不可大事也有飛鳥之象焉飛鳥遺之音不宜上宜下大吉上逆而下順也

艮下
震上

山上有雷小過君子以行過乎恭喪過乎哀用過

乎儉

小過初六飛鳥以凶不可如何也

六二不及其君臣不可過也

九三從或戕之凶如何也

九四弗過遇之位不當也往厲必戒終不可長也

六五密雲不雨已上也

上六弗遇過之已亢也

既濟卦

離重坎

中備坎離

未濟

同



既濟

亨小利貞初吉終亂

初九

曳其輪濡其尾无咎

六二

婦喪其茀勿逐七日得

九三

高宗伐鬼方三年克之小人勿用

六四

繻有衣袽終日戒

一九五 東鄰殺牛不如西鄰之禴祭實受其福

一上六 濡其首厲

既濟亨小者亨也利貞剛柔正而位當也初吉柔得中也終止則亂其道窮也

離下坎上 水在火上既濟君子以思患而豫防之

既濟初九曳其輪義无咎也

六二七日得以中道也

九三三年克之憊也

六四終日戒有所疑也

九五東鄰殺牛不如西鄰之時也實受其福吉大來也

上六濡其首厲何可久也

未濟卦

坎重離

中備離坎

既濟



未濟

亨小狐汔濟濡其尾无攸利

初六

濡其尾吝

九二

曳其輪貞吉

六三

未濟征凶利涉大川

— 九四 貞吉悔亡震用伐鬼方三年有賞于大國

— 六五 貞吉无悔君子之光有孚吉

— 上九 有孚于飲酒无咎濡其首有孚失是

未濟亨柔得中也小狐汔濟未出中也濡其尾无攸利
不續終也雖不當位剛柔應也

坎下
離上 火在水上未濟君子以慎辨物居方

未濟初六濡其尾亦不知極也

九二九二貞吉中以行正也

六三未濟征凶位不當也

九四貞吉悔亡志行也

六五君子之光其暉吉也

上九飲酒濡首亦不知節也



周易圖書質疑卷二